



Broj: 06-04-3621-57/23  
Sarajevo, 14.03.2023.godine

## **SKUPŠTINA KANTONA SARAJEVO** **-OVDJE-**

**Predmet:** Izjašnjenje na zastupničku inicijativu zastupnica Danijela Kristić, dostavlja se

Zastupnik Danijela Kristić je na Četvrtoj radnoj sjednici Skupštine Kantona Sarajevo održanoj dana 08.02.2023. godine u okviru tačke Dnevnog reda „Poslanička/zastupnička pitanja, inicijative i odgovori“, uputila zastupničku inicijativu, koja glasi:

“Na osnovu molbe Udruženja boraca-maloljetni dobrovoljci odbrambeno-oslobodilačkog rata Kantona Sarajevo podnosim inicijativu da za sve malodobne borce odbrambeno-oslobodilačkog rata pokrenete poseban program poticaja i sufinansiranja zapošljavanja i samozapošljavanja bivših maloljetnih boraca.”

Na pokrenutu zastupničku Inicijativu dajemo slijedeće

### **I Z J A Š N J E N J E**

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioaca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Zakonom o dopunskim pravima boraca-branitelja Bosne i Hercegovine (“Službene novine Kantona Sarajevo”, broj 31/22), između ostalih dopunskih prava, propisana je i prednost u zapošljavanju, pravo učešća u programima zapošljavanja i održivosti zaposlenosti kao i prednost pri korištenju programa nadležnih službi za zapošljavanje.

Odredbama člana 24. navedenog Zakona definisano je da Vlada Kantona može na prijedlog Ministarstva svake godine spram raspoloživih budžetskih sredstava donijeti programe zapošljavanja i održivosti zapošljavanja braniteljske populacije kojim utvrđuje uvjete, kriterije i pravila za učešće



u tim programima, broj novozaposlenih i broj održanih radnih mjesta, period na koji se zapošljavaju ili podržava njihova zaposlenost, subjekte koji mogu učestvovati u ovim programima, kao i ostala pitanja od značaja za ostvarivanje ovog prava.

Članom 25. navedenog Zakona propisano je da je Javna ustanova „Služba za zapošljavanje Kantona Sarajevo“ dužna svojim aktima propisati da prednost pri korištenju programa za zapošljavanje imaju lica iz člana 1. istog zakona i djeca šehida i poginulih branioaca.

Vlada Kantona Sarajevo donijela je Uredbu o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (“Službene novine Kantona Sarajevo”, br. 37/20 i 27/21) kojom su uređeni jedinstveni kriteriji i pravila za zapošljavanje branilaca i članova njihovih porodica, a koja moraju primjenjivati kantonalni organi uprave i kantonalne upravne organizacije, Grad Sarajevo, općine u Kantonu Sarajevo, kao i sva pravna lica čiji je osnivač Kanton, Grad Sarajevo ili općina, odnosno ukoliko se finansiraju iz budžeta sa učešćem od najmanje 25%.

Shodno navedenom ističemo da Ministarstvo za boračka pitanja Kantona Sarajevo podržava ovu inicijativu i ujedno Vas informišemo da i lica koja su kao maloljetna stupila u Oružane snage R BiH kroz navedeno mogu ostvariti i ostvaruju pravo učešća u programima za zapošljavanje i održivost zaposlenih.

S poštovanjem,



Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.